



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Nezavisni odbor

Broj:01-04-7188-8/22

Sarajevo, 25.10.2022. godine

SKUPŠTINA KANTONA SARAJEVO

O V D J E

PREDMET: Izvještaj o radu Nezavisnog odbora za period mart-septembar 2022. godine - dostavlja se

Nezavisni odbor na sjednici održanoj dana 25.10.2022. godine razmatrao je Izvještaj o radu Nezavisnog odbora za period mart-septembar 2022. godine, a u skladu s članom 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19,31/19 i 39/20), isti dostavlja Skupštini Kantona Sarajevo, na razmatranje.

PREDSJEDNIK

Kenan Kapo



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), Skupština Kantona Sarajevo na sjednici održanoj dana .2022. godine, donijela je slijedeći

## ZAKLJUČAK

Usvaja se Izvještaj o radu Nezavisnog odbora za period mart -septembar 2022. godine.

Broj: 01-04-/22  
.2022.godine  
S A R A J E V O

PREDSJEDAVAJUĆI  
SKUPŠTINE KANTONA SARAJEVO

**I Z V J E Š T A J**  
**o radu Nezavisnog odbora za period mart – septembar 2022. godine**

Sarajevo, oktobar 2022. godine



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ br. 1/16, 26/19 , 31/19 i 39/20 ) i člana 8. stav (9) Poslovnika o radu Nezavisnog odbora ("Službene novine Kantona Sarajevo", br.: 13/22), Nezavisni odbor na sjednici održanoj dana 25.10.2022. godine, Skupštini Kantona Sarajevo, podnosi

## **I Z V J E Š T A J**

### **o radu Nezavisnog odbora za period mart – septembar 2022. godine**

#### **I- Uvod**

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj:01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu.

U Nezavisni odbor imenovano je sedam članova predstavnika iz reda građana.

Mandat članova Nezavisnog odbora traje 4 (četiri) godine.

Nezavisni odbor je u periodu mart - septembar 2022. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47.navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvostepeni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.

#### **II–Normativni dio**

Tokom izvještajnog perioda Nezavisni odbor je:

- ***sačinio detaljan tromjesečne izvještaje o radu policijskog komesara za period: januar-mart 2022. godine i uputio ga Skupštini Kantona Sarajevo.***

S obzirom da je detaljan tromjesečni izvještaj o radu policijskog komesara materijali informativnog karaktera isti nisu razmatrani na sjednici Skupštine Kantona Sarajevo.

U vršenju zadataka iz svoje nadležnosti Nezavisni odbor je donosio zaključke, sačinjavao odgovore, informacije, kao i druge akte iz svoje nadležnosti, te redovno obavještavao javnost o svom radu, te podnio



Vladi Kantona Sarajevo dana 15.08.2022. godine pod brojem 01-04-7188-20/22 prijedlog za smjenu policijskog komesara.

### III - Tematski dio

Tokom izvještajnog perioda Nezavisni odbor je održao 6 redovnih sjednica i 1 vanrednu sjednicu.

1. sjednica Nezavisnog odbora, održana je 02.03.2022. godine u prostorijama Skupštine Kantona Sarajevo na kojoj su bili prisutni svi članovi Nezavisnog odbora, te je jednoglasno usvojen dnevni red:

1. Izbor Predsjednika i zamjenika Predsjednika Nezavisnog odbora;
2. Razmatranje Poslovnika o radu Nezavisnog odbora;
3. Razno.

Na 1. sjednici Nezavisnog odbora, osnovu člana 9. Poslovnika o radu ("Službene novine Kantona Sarajevo" br:23/16, 39/19 i 48/20) članovi Nezavisnog odbora su izabrali predsjedavajućeg i zamjenika predsjedavajućeg Nezavisnog odbora.

Isto tako na 1. sjednici je utvrđeno da se za narednu sjednicu pripremi akt Poslovnik o radu Nezavisnog odbora kako bi se isti donio i bio smjernica za rad Nezavisnog odbora.

Takođe na 1. sjednici su donešene i odluke o postupanju Nezavisnog odbora po pitanjima kad Nezavisni odbor zaprimi akte drugih Institucija, medija, anonimnih prijava, prisustva trećih lica na sjednicama Nezavisnog odbora, te je generalno odlučeno da će se u potpunosti sagledati svaki pojedinačni akt i postupiti po njima u skladu sa važećim zakonskim propisima.

2. sjednica Nezavisnog odbora, održana je 22.03.2022. godine u prostorijama Skupštine Kantona Sarajevo, na kojoj su bili prisutni svi članovi Nezavisnog odbora i policijski komesar, te je jednoglasno usvojen dnevni red:

1. Usvajanje Zapisnika sa prve sjednice Nezavisnog odbora;
2. Razmatranje i donošenje Poslovnika o radu Nezavisnog odbora;
3. Zapisnik sa sjednica NO, metodologija i način sačinjavanja;
4. Informacija o aktivnostima Uprave policije MUP-a Kantona Sarajevo za mjesec Februar 2022. godine;
5. Informacija Uprave policije MUP-a Kantona Sarajevo sačinjena na okolnosti osiguranja i provođenja mjera osiguranja fudbalske utakmice između FK „Željezničar“ i FK „Sarajevo“ koja se održala 05.03.2022. godine;
6. Razno.

Radna grupa u sastavu od članova Nezavisnog odbora pripremila je Poslovnik o radu Nezavisnog odbora, koji je nakon sugestija I konstitutivne rasprave I jednoglasno usvojen I objavljen u "Službenim novinama Kantona Sarajevo" broj 13/22.

Na sjednici je uvodne informacije o aktivnostima Uprave policije MUP-a Kantona Sarajevo za mjesec februar 2022. godine podnio policijski komesar Nusret Selimović. Nakon uvodnih informacija Nezavisni odbor je od strane policijskog komesara dobio i pojašnjenja u pojedinim pitanjima koja se tiču izvještajnog perioda kao i rada Uprave policije MUP-a Kantona Sarajevo.

Na kraju Informacija o aktivnostima Uprave policije MUP-a Kantona Sarajevo za mjesec februar 2022. godine primljena je k znanju.

Između dvije sjednice Nezavisnog odbora predsjedavajući Nezavisnog odbora je uputio dopis Policijskom komesaru da se Nezavisnom odboru dostavi Informacija Uprave policije MUP-a Kantona Sarajevo sačinjena na okolnosti osiguranja i provođenja mjera osiguranja fudbalske utakmice između FK „Željezničar“ i FK „Sarajevo“ koja se održala 05.03.2022. godine, te se raspravljalo i o ovoj informaciji.

Na kraju Nezavisni odbor je zauzeo stav da se dešavanja na gradskom derbiju se moraju spriječiti što zahtijeva i sprovođenje operativnog plana u potpunosti. Potrebno je analizirati propuste koji su se desili te u budućnosti spriječiti ovakve nemile scene. Isto tako potrebno je pokrenuti istragu da se utvrdi koja karika u realizaciji operativnog plana je "podbacila" te isti trebaju snositi odgovornost.

Isto tako kod analize propusta Nezavisni odbor nije od policijskog komesara dobio povratnu informaciju o provedenoj unutašnjoj istrazi, kao niti eventualno utvrđenim propustima odgovornih policijskih službenika.

3. sjednica Nezavisnog odbora, održana je 20.04.2022. godine u prostorijama Skupštine Kantona Sarajevo, na kojoj su prisustvovali svi članovi Nezavisnog odbora.

Sjednici nije prisustvovao Policijski komesar Nusret Selimović

Predsjedavajući Nezavisnog odbora predložio je, a članovi jednoglasno usvojili dnevni red:

1. Usvajanje Zapisnika sa druge sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec mart 2022. godine;
3. Razno.

Policijski komesar nije prisustvovao sjednici Nezavisnog odbora zbog korištenja godišnjeg odmora.

Članovi Nezavisnog odbora su odbili da razmatraju ovu tačku bez prisustva gospodina Selimovića, Policijskog komesara.

Članovi Nezavisnog odbora su usaglasili jedinstven zaključak koji glasi:

Zbog nemogućnosti prisustva sjednici Policijskog komesara, Nezavisni odbor će na narednu sjednicu pozvati Policijskog komesara koji će obrazlagati tačke iz svoje nadležnosti, dok sjednica zakazana za 20.04.2022. godine neće razmatrati tačku 2. Dnevnog reda.

Ova tačka koja se odnosi na Informaciju o aktivnostima Uprave policije MUP-a Kantona Sarajevo za mjesec mart 2022. godine će se razmatrati na narednoj sjednici Nezavisnog odbora na kojoj će biti prisutan Policijski komesar.

Nezavisni odbor za vrijeme trajanja cjelokupnog mandata neće raspravljati o ovim tačkama dnevnog reda bez prisustva Policijskog komesara.

Ovaj zaključak je upućen Policijskom komesaru.

Isto tako razgovarano je o dvije žalbe (Prigovor o protivpravnom raspoređivanju policijskih službenika na radna mjesta u neposredno višem činu od strane policijskog komesara, potpisan od više policijskih službenika i Otvoreno pismo dostavljeno od strane Odbora za žalbe javnosti.)

U raspravu su se uključili svi članovi Nezavisnog odbora. Na kraju je iskristaliziran zahtjev da se ove "žalbe" upute Policijskom komesaru, te očekuju od istog da detaljno odgovori po ovim stavkama iz navedenih žalbi.

Članovi Nezavisnog odbora su iskazali nezadovoljstvo načinom izrade tromjesečnog izvještaja o radu Policijskog komesara, te smatraju da isti treba da bude odraz rada isključivo Policijskog komesara dok ovaj sadržava preko 90% onoga što su uradile pojedine sližbe u MUP-a Kantona Sarajevo.

Nezavisni odbor će na narednoj sjednici razmatrati metodologiju izrade tromjesečnog izvještaja od strane Policijskog komesara i donjeti određene zaključke po tom pitanju.

4. sjednica Nezavisnog odbora, održana je 24.05.2022. godine u prostorijama Skupštine Kantona Sarajevo na kojoj su prisustvovali svi članovi Nezavisnog odbora i policijski komesar, te je jednoglasno usvojen dnevni red;

1. Usvajanje Zapisnika sa treće sjednice nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec Mart 2022. godine;
3. Informacija o aktivnostima Uprave policije MUP-a Kantona Sarajevo za mjesec April 2022. godine;
4. Izvještajo radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2022. godine
5. Razno..

O aktivnostima Uprave policije u martu i aprilu 2022. godine prisutne je izvjestio Komesar Nusret Selimović, a članovi Nezavisnog odbora su se uključili u raspravu nakon čega je policijski komesar Nusret Selimović dao određena pojašnjenja i odgovorio na sva pitanja, da bi članovi Nezavisnog odbora su primili k znanju informacije o radu Uprave policije za mart i april 2022. godine.

Članovi Nezavisnog odbora su zauzeli stav da na osnovu člana 23. Zakona o unutrašnjim poslovima striktno su navedene obaveze Policijskog komesara, te u skladu s tim on treba da sačini izvještaj u skladu sa tim članom Zakona.

Na kraju dogovoreno je da se u okviru tačke Razno razgovara o načinima i modalitetima izrade Izvještaja o radu Policijskog komesara (mjesečni, tromjesečni, polugodišnji...)

Na osnovu člana 23. st.3. tačka v) a u vezi sa članom 45. Zakona o unutrašnjim poslovima Kantona Sarajevo i 14. pomenutog zakona ("Službene novine Kantona Sarajevo" br.:26/19) formira se radna grupa od članova Nezavisnog odbora, koja će da utvrdi smjernice i načine izrade izvještaja koje dostavlja Policijski komesar. Na sljedećoj sjednici će se ove smjernice razmatrati i usvojiti.

Izvještajo radu policijskog komesara Uprave policije Ministarstva unutrašnjih poslova Kantona Sarajevo za vremenski period januar – mart 2022. godine je prihvaćen i upućen u skupštinsku proceduru.

Takođe, razgovarano je o dva zahtjeva o pristupu informacijama i to od strane gosp. Lokvančić Mahira i TV Hayat.

Isto tako razgovarano je i o anonimnoj prijavi koja je signirana od strane Odbora za žalbe javnosti. Članovi Nezavisnog odbora su iznijeli stav da je odgovor od strane Policijskog komesara u vezi otvorenog pisma dosta štur te da je potrebno da se komesar izjasni detaljno po stavkama koje su navedene u otvorenom pismu. Na kraju zaključeno je da Nezavisni odbor uputi zahtjev Policijskom komesaru da se izjasni po stavkama koje su navedene u "otvorenom pismu".

Što se tiče Zahtjeva o pristupu informacijama TV Hayat članovi Nezavisnog odbora smatraju da ova TV kuća treba da se obrati direktno Upravi policije ili PIO/MIO F BiH kako bi dobila direktnu informaciju o datumu penzionisanja Policijskog komesara. Isto tako Nezavisni odbor je proslijedio ovaj zahtjev Upravi policije i PIO/MIO F BiH na dalje postupanje.

Drugi Zahtjev se odnosio na gosp. Lokvančić Mahira ( obacanju 2 bombe na porodičnu kuću) te da od 23.12.2021. godine od kada se desio taj slučaj nije ništa urađeno.

Nezavisni odbor je donio zaključak kojim traži od Uprave policije na čelu sa komesarom N.Selimovićem da mu se dostavi informacija koje mjere i radnje su konkretno poduzete po predmetnom pitanju i kojoj fazi je predmet, naravno ukoliko ne bi uticale o daljnjem toku istrage.

5. sjednica Nezavisnog odbora, održana je 28.06.2022. godine u prostorijama Skupštine Kantona Sarajevo, na kojoj je jednoglasno usvojen dnevni red;

1. Usvajanje Zapisnika sa četvrte sjednice nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec maj 2022. godine;
3. Razno.

U svom izlaganju Policijski komesar je govorio o dešavanjima u mjesecu maju 2022. godine a koja su važna za Upravu policije MUP-a Kantona Sarajevo, a članovi Nezavisnog odbora su se uključili u raspravu nakon čega je policijski komesar Nusret Selimović dao određena pojašnjenja I odgovorio na sva pitanja, da bi članovi Nezavisnog odbora su primili k znanju informacije o radu Uprave policije za maj mjesec 2022. godine.

Po prijemu informacije od strane Uprave policije u predmetu Mahir Lokvančić zaključeno je da je izjašnjenje UP po ovom predmetu bilo korektno te da je isti predmet riješen u međuvremenu.

Na prijedlog radne grupe u vezi sa metodologijom tromjesečnog izvještavanja policijskog komesara, Nezavisni odbor je jednoglasno usvojio metodologiju izvještavanja policijskog komesara, o čemu je dana 28.06.2022. godine Nezavisni odbor aktom broj 01-04-7188-5-1/22 obavijestio policijskog komesara, te ga obavezao da u skladu sa novousvojenom metodologijom izvještava o radu Nezavisni odbor počevši od 01.07.2022. godine.

6. sjednica Nezavisnog odbora, održana je 28.07.2022. godine u prostorijama Skupštine Kantona Sarajevo na kojoj su prisustvovali svi članovi Nezavisnog odbora i policijski komesar, te je jednoglasno usvojen dnevni red;

1. Usvajanje Zapisnika sa PETE sjednice nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec juni 2022. godine;
3. Informacija o aktivnostima Uprave policije MUP-a Kantona sarajevo za period januar-juni 2022. godine;
4. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april -juni 2022. godine;
5. Akt policijskog komesara broj 02-67/22 od 18.07.2022. godine;
6. Informacija o događaju ispred Narodnog pozorišta broj 02-58/22 od 04.07.2022. godine;
7. Odgovor službenika za insformisanje Tarika Kršlaka;
8. Razno.

O aktivnostima Uprave policije u junu 2022. godine prisutne je izvjestio Komesar Nusret Selimović, a članovi Nezavisnog odbora su se uključili u raspravu nakon čega je policijski komesar Nusret Selimović dao određena pojašnjenja I odgovorio na sva pitanja, da bi članovi Nezavisnog odbora su primili k znanju informacije o radu Uprave policije za juni 2022. godine.

Informacija o događaju ispred Narodnog pozorišta broj 02-58/22 od 04.07.2022. godine je primljena k znanju.

1.vanredna sjednica Nezavisnog odbora, održana je 12.08.2022. godine u prostorijama Skupštine Kantona Sarajevo na kojoj su prisustvovali svi članovi Nezavisnog odbora, te je jednoglasno usvojen dnevni red;

1. akt Federalnog zavoda za penzijsko i invalidsko osiguranje broj FZ 3/5/1-45-3-1763-3/22 od 21.07.2022. godine i informacija policijskog komesara broj 02-76/22 od 10.08.2022. godine.



Nezavisni odbor je 27.07.2022. godine zaprimio akt Federalnog zavoda za penzijsko i invalidsko osiguranje broj FZ 3/5/1-45-3-1763-3/22 od 21.07.2022. godine u kojem je utvrđeno da policijski komesar Nusret Selimović na dan 01.07.2022. godine ima ukupno 40 godina, 0 mjeseci, 17 dana staža osiguranja, na sjednici je otvorena rasprava po ovom pitanju i Nezavisni odbor je jednoglasno donio sljedeći zaključak:

Na osnovu člana 49. tačka 1, a u vezi sa članom 48. stav 1. tačka h) ZAKONA O UNUTRAŠNjim POSLOVIMA KANTONA SARAJEVO ("Sl. novine Kantona Sarajevo", br. 1/2016, 6/2019 - autentično tumačenje, 26/2019, 31/2019 i 39/2020) i člana 8. stav. 1 tačka 5 POSLOVNIKA O RADU NEZAVISNOG ODBORA ("Sl. novine Kantona Sarajevo", br. 13/2022), Nezavisni odbor podnosi prijedlog za smjenu Policijskog komesara Vladi Kantona Sarajevo, a iz razloga jer su ispunjeni uslovi za prestanak radnog odnosa propisani ZAKONOM O POLICIJSKIM SLUŽBENICIMA KANTONA SARAJEVO ("Sl. novine Kantona Sarajevo", br. 38/2018, 26/2019 i 39/2020), član 118, stav 1 tačka d), jer Policijski komesar Nusret Selimović ispunjava 40 godina staža osiguranja, što proizilazi iz obavijesti FZ PIO/MIO, broj FZ 3/5/1-45-3-1763-3/22, od 21.07.2022. godine, prema kojemu na dan 01.07.2022. godine Policijski komesar Nusret Selimović ima ukupno 40 godina o mjeseci i 17 dana sataža osiguranja.

Dana 15.08.2022. godine je prijedloga za smjenu policijskog komesara dostavio ministru MUP-a Kantona Sarajevo g. Omeru Osmanoviću.

#### **IV- Ocjena stanja i postignutih rezultata**

Tokom izvještajnog perioda Nezavisni odbor je realizirao planirane programske aktivnosti koliko je istom bilo dopušteno od strane policijskog komesara čiji bi rad Nezavisni odbor trebao da nadzire. Naime u izvještajnom periodu od ukupno šest redovnih sjednica, policijski komesar nije prisustvovao na jednoj sjednici, dok na vanrednu sjednicu nije ni pozvan.

U izvještajnom periodu Nezavisni odbor je djelovao isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja ili bilo kojeg naroda ili pojedinca.

Nezavisni odbor je o svom radu redovno obavještavao javnost, putem web-portala i sredstava javnog informisanja, te je u cijelosti ispoštovan princip javnosti.

#### **V- Kadrovska i materijalna osposobljenost**

U periodu od marta 2022. godine – septembra 2022. godine, Nezavisni odbor je obavljao poslove i zadatke iz nadležnosti Nezavisnog odbora u punom sazivu.

Sjednice Nezavisnog odbora održavane su u obezbjeđenoj sali Skupštine Kantona Sarajevo.

Administrativno-tehničke poslove Nezavisnog odbora obavljao je sekretar, koji je uposlenik Stručne službe za skupštinske poslove, a isti je zadužen za čuvanje kompletne arhive Nezavisnog odbora.

#### **VI - Programska orijentacija za naredni period**

U narednom vremenskom periodu Nezavisni odbor će kontinuirano obavljati poslove utvrđene Zakonom o unutrašnjim poslovima Kantona Sarajevo, Zakonom o policijskim službenicima i Poslovnikom o radu Nezavisnog odbora, te ostalim pozitivnim propisima sa osnovnim ciljem postizanja još većeg stepena demokratizacije u radu policije, zaštite ljudskih prava i sloboda građana koji žive ili borave na području Kantona Sarajevo, te postizanja što većeg nivoa sigurnosti građana Kantona Sarajevo.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period mart – septembar 2022.godine.

Broj: 01-04-7188-8-1/22  
Sarajevo, 25.10.2022. godine

PREDSJEDAVALAČI

Kenan Kapo



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>  
E-mail: [skupstina@skupstina.ks.gov.ba](mailto:skupstina@skupstina.ks.gov.ba)